

河陰縣志目錄

卷一

圖 疆域總圖 疆域分圖 縣城圖 公署圖 學校圖

卷二

沿革考

卷三

疆域考 位置 形勢 氣候 道里 交通 區域

卷四

山川考 (山脈) 山陰 山原 (河渠) 河水 濟水
汴水 索水 澶潞

卷五

建置考

城池

街市

官署公廨

壇廟

坊表

卷六

古蹟考

城砦

亭臺

宮

倉場

道

鄉里

津渡

井泉

墳墓

田園

頂

澗谷

溝渠

隄防

卷七

民賦考

丁戶

地糧

漕米

灘田

歲入經常費

卷八

風俗物產考

風俗
(物產)

習尚

言語

禮儀

歲時

天然物

製造物

卷九

學校考

廟制
機關

祀典

書籍

學田

學區

學務

卷十

兵事考

卷十一

藝文考

明 清

卷十二

職官表

唐 宋 明 清 民國

卷十三

選舉表

元 明 清 民國

卷十四

宦績傳

唐 宋 明 清

卷十五上

人物傳一
元明清

卷十五下

人物傳二
宋明清

卷十六上

列女傳一
明清

卷十六下

列女傳二
清民國

卷十七

雜記
記地 記事 記人 記言

附金石考二卷文徵三卷

河陰縣志卷十六下

列女傳二

張百登妻田氏十七歲于歸數日夫亡田孝事舅姑未嘗稍懈姑病癰湯藥必親嘗晝夜伏侍數年如一日取姪爲嗣課以耕讀持家勤儉漸至小康道光末年汜水周太史開謨以曹節陳孝旌其廬

馬炳如妻劉氏義士馬青藜之子婦也二十二歲夫亡事繼姑惟謹姑言婦孝婦言姑慈無勃谿之日姑生男劉哺乳懷抱撫之如子守節四十二年以歿

荆太平妻楚氏夫亡子士修才兩月孤兒寡婦備嘗艱苦

河陽縣志 卷十六
晝夜紡績終日不怠延師課子入庠孫山璞亦能世其業
孟繼周妻馬氏夫亡翁桂林患痼疾馬刲股和羹以進病
遂瘳鄉里賢之知縣陸廷楨旌其門

荆毓芳繼妻蘇氏撫前室三子如己出翁入旬患痼疾七
年蘇奉侍湯藥無懈志翁歿訓三子曰汝等游惰不事詩
書將何以自立而對先人耶乃延師督課之脩脯資給無
少吝而治家則惟務勤儉晝自炊爨教婦組織夜惜膏油
對月紡績三子奮勵皆自成立焉

荆元三妻李氏二十三歲夫亡姑年逾六旬子甫周晬瘠
田止二畝不足自給李奉姑育子艱苦備至守節二十九

年卒衆欽其節孝額曰冰玉比操

馮元之妻王氏于歸越歲元之以疾投水死家貧無子母家有欲奪其志者王以死自誓晝耕夜紡孝養翁姑克盡婦職又勸翁姑撫螟蛉爲婚娶生四子氏取其一爲繼歷節五十三年壽七十

文章張紹先妻趙氏賦性堅貞事親極孝二十九歲夫亡子方五齡翁以痛子故病瀉痢者數月氏扶持維謹不避穢污又十餘年姑病癰瘻奉養周至三年不倦嘉慶七年姑歿次年翁亦歿喪葬均盡禮焉

樊青璋妻張氏家貧氏年二十八夫故子方二歲平日事

河陽縣志 卷十六
舅姑孝歲值大雨所居室將頽張急掖姑出而置其子甫
出門屋壞衆謂兒死矣及發視竟無恙人以爲誠孝所召
云

馬德華妻秦氏嘉慶二十三年夫亡時年二十八撫育三
子均至成立守節五十九年以歿

王金榜妻馬氏乾隆五十七年夫亡氏年二十六歲撫孤
守節三十八年

荆道生妻馬氏二十五歲夫故姑病癱瘓氏日侍牀褥歷
久不倦守節五十七年卒

陳禮高妻胡氏二十二歲夫故家貧子幼孝事翁姑晝織

夜紡苦節五十一年

張明林妻張氏道光二十三年夫故孝親育孤能成家道
守節五十五年

馬庚戌妻侯氏道光二十四年夫故年二十九歲守節口
十口年

馬海春妻韓氏道光二十五年夫亡年二十三歲守節六
十七年已旌

秦西和妻陳氏道光三十年夫故年二十九恩育孤子勤
持家務咸豐十一年卒

陳永昇妻任氏咸豐三年夫亡年二十四歲子方數月氏

撫孤勤苦不怨不尤守節四十八年卒

何煜妻蔣氏道光十三年歸何越十三年夫故氏年二十九時翁已棄養奉姑惟謹勤於家務教子讀書守節二十二年卒

周鴻業妻秦氏道光二十二年十八歲適周三十歲夫故子方四歲教養成立孀居四十年以卒

馬道存妻戚氏咸豐九年夫故年三十歲守節四十二年歿家貧子幼飲冰茹荼

馬永先妻陳氏咸豐八年夫故氏年三十歲性賢淑與妯娌和睦無閒守節五十年卒鄉里旌之曰節孝慈

李從信妻馬氏咸豐八年夫故氏年三十歲糟糠不厭紡織營業撫育二子成立守節四十四年

康宗禹妻侯氏夫故氏年二十九嗣子國廣早卒撫孫紹祖堅苦自持孝慈兼盡守節三十一年病歿

王其信妻秦氏咸豐八年夫故氏年二十九苦守冰霜紡織自給上事寡姑下育孤子八十歲卒守節五十六年
陳龍堂妻馮氏咸豐五年夫故氏年二十七光緒十三年病故守節三十四年

張培德妻孫氏同治元年適張逾年夫故年十七遺腹生子矢志靡他撫育孤兒勤儉自勵民國元年卒守節五十

海陽縣志
卷十六
三
五年

董誥妻車氏二十七歲夫故矢志柏舟蠶織自給事親以孝教子成立卒年七十四歲

荆毓蘭妻王氏二十九歲夫故守節四十六年民國元年卒縣知事高廷璋旌其間曰淑德懋昭

荆庚午妻康氏二十六歲夫故守節五十五年民國元年卒年八十一

荆元三妻李氏二十三歲夫故姑逾六旬子甫一歲家貧甚養老字幼苦守貞操卒年五十二歲鄉里匾其門曰冰玉比操

馮丙南妻李氏貢生李國棟之女二十一歲夫故上事翁姑下撫孤兒守節二十五年宣統三年病歿

李士藩妻閻氏庠生閻悅年之女二十六歲夫故所遺子女各一苦節篤志五十二年七十七歲卒同治十二年旌苗秀妻王氏二十五歲夫亡孝慈克盡惠卹鄉黨里人以淑德可風匾其門年六十二卒

魏如成妻馬氏二十八歲夫故親老子幼紡織自給七十二歲卒

樊青享妻張氏二十六歲夫故孝親育子守節五十年以歿

李得明妻張氏夫故時年十八奉親教子存歿盡禮光緒二十二年卒守節三十四年

李赶到妻田氏十九歲夫故善事翁姑取繼承嗣歿年六十九守節五十年

文童趙九皋妻宋氏十六歲適趙二十三歲夫故無子取從子爲嗣翁病癱十年氏奉事不懈事姑二十年亦如之嗣子歿復撫兩孫成立守節四十二年六十四歲卒

王萬選妻董氏同治七年旌

秦強縣知縣張利賓繼妻章氏夫故守節知縣陸廷楨旌

其門

以上采訪已故節婦

張太和妻章氏夫故後寒苦守節四十餘年光緒十六年旌

時□□妻李氏二十九歲夫故守節三十餘年孀居艱苦克盡孝道

李□□妻孟氏二十九歲夫故事姑撫幼恪盡孝道守節四十餘年

案以上三人均見儒學檔冊乃掇拾於故紙堆中者字多霉爛或姓氏僅存或夫名已失由此以推方策淪亡節烈之埋沒者不知凡幾矣可勝慨哉

張聚魁妻張氏光緒九年七月盜劫其家聚魁以追盜被

戕氏痛夫非命憤不欲生以有遺腹且冀生子間月產女遂絕粒不食數日家人防之不及自縊死

荆鴻儒妻陳氏二十五歲夫亡無子陳卽仰藥以殉臨歿泣於祖姑曰孫婦不孝不能事老人使老人自炊爨然義難兼顧故寧舍生而就死耳言訖遂絕事在光緒六年上

采訪
烈婦

荆良田妻唐氏性至孝母嘗夏日得畏寒疾非近火薰灸不獲安氏晝夜侍側不眠者數月歸荆十載夫故姑老子幼克盡孝慈人以純孝完節旌之現年七十有七

張瑞羽妻劉氏二十七歲夫故上事翁姑下撫幼子紡織